



Broj: 16-12-16-7714-*1*/21
Istočno Sarajevo, *14*.12.2021. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 70. st. (1), (2), (3) i (6) Zakona o javnim nabavkama („Službeni glasnik BiH“, broj 39/14), na preporuku Komisije za nabavke za potrebe Državne agencije za istrage i zaštitu broj 16-12-16-7714/21 od 07.12.2021. godine, u postupku javne nabavke vježbovne municije za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača u postupku javne nabavke
vježbovne municije za potrebe Državne agencije za istrage i zaštitu

Član 1.

U postupku javne nabavke vježbovne municije za potrebe Državne agencije za istrage i zaštitu (u daljem tekstu: Agencija), putem Konkurentskog zahtjeva za dostavljanje ponuda, na preporuku Komisije za nabavke za potrebe Agencije u 2021. godini (u daljem tekstu: Komisija), broj 16-12-16-7714/21 od 07.12.2021. godine, dodjeljuje se ugovor ponuđaču „SHOT“ d.o.o. Zenica, ponuda broj 16-12-16-7714-7/21 od 30.11.2021. godine, za ponuđenu cijenu 29.000,00 KM bez uračunatog PDV-a.

Član 2.

(1) Ponuđač „SHOT“ d.o.o. Zenica obavezan je ugovornom organu dostaviti dokaze o ispunjavanju uslova iz tač. 3.1.1. i 3.1.3. Konkurentskog zahtjeva.

(2) Dokaze iz stava (1) ovog člana (orginal ili ovjerena fotokopija), ponuđač je obavezan dostaviti ugovornom organu u roku od pet dana od dana prijema ove odluke.

Član 3.

Ova odluka se ponuđačima dostavlja u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na web stranici Agencije.

Član 4.

Za izvršenje ove odluke zadužuje se Sektor za materijalno-finansijske poslove Agencije.

Član 5.

Ova odluka stupa na snagu danom donošenja.

O b r a z l o ž e n j e

Odlukom direktora Agencije broj 16-12-16-7714-1/21 od 08.11.2021. godine pokrenut je postupak javne nabavke vježbovne municije za potrebe Agencije, procijenjene vrijednosti 29.000,00 KM bez uračunatog PDV-a, za koji je obavještenje o javnoj nabavci objavljeno na Portalu javnih nabavki broj 1161-7-1-274-3-77/21 od 16.11.2021. godine. Predmet javne nabavke je nabavka vježbovne municije koja se ispaljuje iz kompleta UTM-MMR (Ultimate Training Munitions Men Marking Round), koji se montiraju na naoružanje i koje Agencija već posjeduje. Novčana sredstva za realizaciju navedene nabavke obezbijedena su u okviru budžetskih sredstava za 2021. godinu, na osnovu Odluke o privremenom finansiranju institucija Bosne i Hercegovine i međunarodnih obaveza Bosne i Hercegovine za period oktobar-decembar 2021. godine („Službeni glasnik BiH“, broj 63/21).

Za navedeni postupak javne nabavke predviđena je e-aukcija u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik).

Obzirom da je tačkom 6. Konkurentskog zahtjeva navedeno da je rok za dostavljanje ponuda 30.11.2021. godine do 13.00 sati, te da se ponude dostavljaju u zatvorenoj kovrti, Komisija je dana 30.11.2021. godine u 14:00 sati izvršila javno otvaranje ponuda prema datumu i vremenu prijema, numerišući kovrte, te je konstatovala da su u ostavljenom roku pristigle dvije ponude na Pisarnicu Agencije.

Na javnom otvaranju ponuda nije bilo prisutnih predstavnika ponuđača.

Blagovremeno su dostavljene dvije ponude, i to:

R.br.	Broj protokola	Naziv ponuđača	Datum i sat prijema ponuda
1.	16-12-16-7714-6/21	„KM TRADE“ d.o.o. Visoko	30.11.21.g. u 10:27 h
2.	16-12-16-7714-7/21	„SHOT“ d.o.o. Zenica	30.11.21. g. u 12:04 h

R.br.	Naziv ponuđača	Ponudena cijena u KM (bez PDV-a)
1.	„KM TRADE“ d.o.o. Visoko	29.000,00
2.	„SHOT“ d.o.o. Zenica	29.000,00

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, broj 39/14) (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Konkurentskom zahtjevu.

Tačkom 3.1.4. Konkurentskog zahtjeva da bi učestvovao u konkretnom postupku javne nabavke, ponuđač mora zadovoljiti uslov tehničke i profesionalne sposobnosti, a na osnovu uzoraka, opisa, kataloga i fotografija roba koje će biti predmet isporuke, te dostaviti dokaz (opisi sa tehničkim karakteristikama, nazivima, tipovima i proizvođačem ponudene municije, katalogi ili fotografije ponudene municije) na kojima se vide tehničke karakteristike

vježbovne municije, a koje je ponuđač dužan ovjeriti pečatom. S tim u vezi, a u cilju ocjene tehničkih uslova navedenih u Konkurentskom zahtjevu, Komisija se aktom broj 16-12-16-7714/21 od 01.12.2021. godine obratila Jedinici za specijalnu podršku Agencije (u daljem tekstu: JSP), tražeći uvid u dostavljene ponude, te stručno mišljenje po pitanju ispunjavanja postavljenih tehničkih karakteristika iz Konkurentskog zahtjeva i tehničkih karakteristika ponudene robe (vježbovne municije), odnosno da li ponudena vježbovna municija, na osnovu dostavljenih fotografija i opisa, odgovaraju traženim uslovima iz Konkurentskog zahtjeva za predmetni postupak nabavke. Komisija je zaprimila traženo mišljenje stručnih lica JSP-a broj 16-09-16-7714/21 od 06.12.2021. godine, sa obrazloženjem da prema dostupnim podacima i informacijama nakon analize tržišta te iskustva drugih Jedinica u korištenju ove vrste municije, ponuda ponuđača „KM TRADE“ d.o.o. Visoko, proizvođača „Simunition“ nije kompatibilna za ispaljivanje iz kompleta proizvođača UTM-MMR (Ultimate Training Munitions Men Marking Round), a koje posjeduje JSP, kao i što je navedeno u Konkurentskom zahtjevu. Takođe, u navedenom dopisu je konstatovano da ponuda ponuđača „SHOT“ d.o.o. Zenica u potpunosti zadovoljava tražene tehničke karakteristike vježbovne municije iz Konkurentskog zahtjeva za potrebe Agencije.

Slijedom navedenog, Komisija je utvrdila da ponuđač, a cijeneći mišljenje stručnih lica JSP-a Agencije, „SHOT“ d.o.o. Zenica ispunjava kvalifikacione uslove u pogledu njegove lične sposobnosti, sposobnosti obavljanja profesionalne djelatnosti, ekonomske i finansijske sposobnosti. Takođe, Komisija je utvrdila da navedeni ponuđač ispunjava formalno-pravne uslove postavljene u Konkurentskom zahtjevu. Dalje, uvidom u dostavljenu ponudu ponuđača „KM TRADE“ d.o.o. Visoko, Komisija je, uvažavajući mišljenje stručnih lica JSP-a Agencije, konstatovala da ponuda imenovanog ponuđača ne zadovoljava tehničke karakteristike iz Konkurentskog zahtjeva za predmetni postupak nabavke. Uzimajući u obzir navedeno, ponuda ponuđača „KM TRADE“ d.o.o. Visoko se odbacuje, u skladu sa članom 68. stav (4) tačka i) Zakona.

Obzirom da je za postupak javne nabavke vježbovne municije za potrebe Agencije tačkom 8.2. Konkurentskog zahtjeva predviđeno provođenje e-aukcije u skladu sa Pravilnikom, a imajući u vidu da je, od dvije zaprimljene ponude na pisarnicu Agencije, jedna ponuda prihvatljiva, e-aukcija se neće provoditi za predmetni postupak u skladu sa članom 3. stav (3) Pravilnika.

Nakon pregledanja dokumentacije priložene uz dostavljene ponude, a cijeneći naprijed navedeno, Komisija je u skladu sa članom 65. stav (1) Zakona ocijenila ponudu kvalifikovanog ponuđača, primjenjujući kriterij najniže cijene iz tačke 8.1. Konkurentskog zahtjeva, te je sačinila listu ocijenjene ponude, kako slijedi:

R. br.	Naziv ponuđača	Vrijednost ponude (bez PDV-a)
1.	„SHOT“ d.o.o. Zenica	29.000,00 KM

Nakon provedenog postupka ocjenjivanja dostavljene ponude, a uzimajući u obzir sve navedeno, Komisija je utvrdila da je ponuda ponuđača „SHOT“ d.o.o. Zenica ocijenjena kao najpovoljnija, da ista ne premašuje procijenjenu vrijednost nabavke iz tačke I Odluke o pokretanju postupka javne nabavke vježbovne municije za potrebe Agencije.

Imajući u vidu naprijed navedeno, prihvaćena je preporuka iz Izvještaja o radu Komisije i odlučeno da se ugovor u postupku javne nabavke vježbovne municije za potrebe Agencije dodijeli ponuđaču „SHOT“ d.o.o. Zenica, kako je navedeno u članu 1. ove odluke.

Pouka o pravnom lijeku: Protiv ove Odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama.

DOSTAVLJENO:

- Ponuđačima (2x);
- Sektoru za mat.-fin. poslove;
- a/a.

